



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1606. usque ad annum 1610

Fleury, Claude

August. Vind. [u.a.], 1776

VD18 90118820

§. 10. Fides Catholica in Bearnensi Principatu per Henricum IV. Franciæ
Regem restituta.

[urn:nbn:de:hbz:466:1-67222](https://nbn-resolving.org/urn:nbn:de:hbz:466:1-67222)

Sæc. XVII.
A. C. 1608.

§. X.

Fides Catholica in Bearnensi Principatu per Henricum IV. Franciæ Regem restituta.

*Nicol. Rigault contin.
Thuan. l. 1.
tom. 10.
Serran.
Hist. Franc.
pag. 854.*

Cum Protestantes in Germania Religionem Catholicam suppressere totis viribus adlaborarent, Henricus IV. Galliarum Rex avitam fidem in Regno suo præcipue in iis locis, quæ Calvinianis erroribus infecta ipse ante obtentum Franciæ Sceptrum possederat, revocatum firmum fixumque habebat. Hanc in rem jam edictum Nanneti conditum promulgari jusserat, vi cujus præceptum, ut in omnibus Provinciis, in quibus Protestantes Catholicis numero prævalent, Catholica fides restitueretur, facta eisdem Templâ erigendi, Sacrisque operandi facultate. Hoc favore confestim utebantur Bearnensis Principatus Catholici: obsistebant tamen Calvinistæ, ac primo quidem disputatum est inter Regem & Provinciam de jure immutandi normam Reipublicæ & Ecclesiæ. Verum uti plerumque altercationes Reges inter & subditos sinistre succedunt, ita parendum erat Henrici mandato, qui hunc Principatum Olorensi Episcopo subjecit, simulque Episcopis atque Abbatibus in Senatu Paviensi inter Ordines

dines honoratiorem locum concessit. Sæc. XVII.
A. C. 1608.
 Hucusque indignationem suam simulato
 obsequio supprimebant Calvinistæ, post-
 quam vero Henricus Rex eis significabat,
 se in animo habere quosdam Jesuitas eo
 mittere, mox Regiis Deputatis declara-
 bant, quod quoscunque Ecclesiasticos re-
 cipere parati essent, exceptis tamen Je-
 suitis, cum hi, juxta usitatam Prote-
 stantium phrasin, factionis Hispanicæ
 emissarii, homines ambitiosi, Authores
 captiosæ & æquivocæ Theologiæ, ac
 denique publicæ tranquillitatis hostes
 essent. Præterea Paviensis Senatus ad
 Regem duos ablegabat, qui eundem
 monerent edicti, in cujus septimo arti-
 culo ipsemet Rex declarasset, commodi
 sui & quietis subditorum suorum non
 expedire, ut Jesuitæ ad Religionis Ca-
 tholicæ exercitationes in illo suo Princi-
 patu admitterentur, ac propterea die
 vigesima septima Octobris anno Domini
 millesimo quingentesimo nonagesimo
 nono sancitum fuisset, ne Jesuitæ illic
 reciperentur, ac ipsemet Rex Episco-
 pis, aliisque subditis mandasset, ut hu-
 jus edicti observantiæ invigilarent: proin-
 utile atque ad præcavendos tumultus &
 seditiones necessarium foret, ne Jesuitæ
 Bearniam, ubi summo in odio essent,
 revocarentur. Verum Rex urgente Epi-
 scopo Olorensi, & instigantibus Jesuitis
 U 3 hoc

Sæc. XVII. hoc anno die vigesima Februarii præfatum edictum tanquam irritum declarabat, statuens, *Religiosos, qui Jesuita vocantur, in suum illum Principatum eodem modo, quo aliorum Ordinum Ecclesiasticos & Religiosos, esse admittendos, dummodo observarent, & sese subicerent formulis & legibus per edicta & statuta sue Majestatis præscriptis, & disciplinæ Ecclesiasticæ, quam omnes alii Religiosi & seculares observare tenentur.* Enimvero ab illo tempore ibidem Religio Catholica, quam Joanna Albreta Henrici IV. Mater exulare jussit, respirare cæperat, tranquillæ ac integræ possessionis gloria Ludovico XIII. Regi reservata.

§. XI.

De pace inter Albertum Archiducem & Batavos actum.

*Merc. 1.6.
l. 3. & l. 31.
Callut. de
bello Belg.
lib. 20.*

Prorogatis in sex hebdomadas indicis de firma pace agi cæptum est, tam Alberti Austriæ Archiducis, quam Fœderatorum Ordinum Legatis Hagæ Comitis convenientibus. Die igitur sexta Februarii in primo congressu utriusque partis Delegati suas proferebant mandati literas: quæ vero ab Hispano Rege & Archiducibus erant, non placuere Protestantibus, eoquod Archiduces *Belgii Principes* nominarentur. His